

بعد أن وصلت للقمة : ماذا بعد العشر؟! | " القرارات الخمسة " | د . حازم شومان

حازم شومان

سلام عليكم ورحمة الله وبركاته. ربنا وبناتنا اخواني واخواتي في الله. آآ يعني كلنا الوقتي في لحظة فارقة خطيرة جدا جدا احنا الحمد لله خلصنا عشر ذي الحجة. والحمد لله خلصنا رمضان اكبر مسنين في السنة بتوع العبادة كلهم خلصوا يا شباب. وانت الوقتي وانت الوقتي خارج - [00:00:00](#)

من اكبر موسمين عبادة. يعني المفروض ان انت الوقت في قمته. المفروض ان انت دلوقتى وصلت لمنسوب ايماني عمرك طول السنة ما هتوصلي زيه. المفروض ربنا قال واتممناها بعشر. عشر ذي الحجة بتيجي تتم الموسم بتاع رمضان. الثلاثين يوم فانت دلوقتى في التمام. انت الوقتي المفروض تمام دينك هو النقطة اللي انت فيها دي - [00:00:20](#)

طبعاً انا حاسس ان في ناس دلوقتى زعلانة وحزينة. بتقول بس احنا الوقتي مش في القمة. احنا ما وصلناش فعلاً لقمة الدين. على فكرة يا شباب انت كسبان انت خارج من - [00:00:40](#)

عشر ذي الحجة ورمضان كسبان. صدقوني يا جماعة انت بفضل الله ذكرت ربنا وعبدت واجتهدت في رمضان وعشر ذي الحجة. ولكن الانسان في جوة وقت النور بيبقى مش حاسس قوي واتضلع منهم قد ايه. عشان كده في اللحظة دي لازم ناخذ خمس قرارات. لان دي اخطر لحظة انت تقدر تاخدي فيها قرار. انت لو ما خدتش قرار الوقتي - [00:00:50](#)

مش هتقدر تاخذ قرار. ربنا قال على مؤمن ال ياسين وجاء من اقصى المدينة رجل يسعى. كان في اقصى المدينة بيعبد ربنا وبيترى. لما نزل موقع عمل بطولة ربنا خلدها في القرآن ليوم القيامة. انتم كلكم يا شباب كلنا كنا في اقصى المدينة في عشر ذي الحجة اللي بيحج اللي في رمضان. اللي طلع عمرة رمضان اللي - [00:01:10](#)

في رمضان اللي عكف على عبادة في رمضان. كلنا يا شباب جايين من اقصى المدينة دلوقتى. المفروض هننزل الواقع بقى المفروض اعظم لحظة نقدر ناخذ فيها قرار هي في اللحظة دي عشان كده خمس قرارات لازم الوقتي كل واحد مننا ياخذهم باذن الله سبحانه وتعالى. انا وانتم القرار الاولاني بعد تمام مواسم الطاعة - [00:01:30](#)

الاولاني اوعى تخسري اللي انت كسبتيه. اوعى تهد اللي انت بنيتيه. اللي بيلقي شيك بمليون جنيه بيحافظ عليه بحياته. ليه؟ ممكن ما يلاقهوش تاني. احنا دلوقتى ربنا ادانا اعلی من اللي - [00:01:50](#)

مليون جنيه. ربنا ادانا العبادة والطاعة ونور الايمان في القلب. نحافظ عليه. سيدنا ابراهيم لما تدبر فيه عليه الصلاة والسلام. لما تدبر في الكوكب وقال احب الافلين كمل وصل لنور كمل ما وقفش عند نور لا احب الافلين. كمل وتدبر في القمر وصل للنور لان لم يهديني ربي لكونن من القوم الضالين. نور الافتقار ما وقفش - [00:02:00](#)

تكمل تدبر في الشمس ووصل لوجهك وجهي. للذي فطر السماوات كمل ونزل واشتغل في الدعوة. وصل لنور في اي الفريقين احق بالامن ما كانش بيقف. كان طموح الايمان لا يتوقف ابدأ عشان كده بنقول اهدنا الصراط المستقيم. العبد احنا احنا بنقولها والنبي كان بيقولها ولاخر يوم في حياة النبي عليه الصلاة والسلام كان بيقولها. لاننا - [00:02:20](#)

طب ما ربنا بيهديني مش مقنع كمان يا رب. طب ما انا هاديك ما انت داعيني في صلاة الظهر كمان يا رب العصر. كمان يا رب الفجر. كمان يا رب انا مش هشيح هداية. انا مش - [00:02:40](#)

اشيع من نورك عشان كده الملائكة اللي في الملاء الأعلى. يقولوا ونحن نسبح بحمدك ونقدس لك نقدر يعني بنزود الايمان في قلوبنا لك. طب ما خلاص ما وصلتش ما فيش - 00:02:50

مقامات عظيمة الله لا حدود لها. كذلك مقامات نور الايمان في القلب. لا حدود لها احنا مش هنوصل لمرحلة ونقنع. القرار الاول اوعي تتوقفي اوعي تهدي اللي انت بنيتيه. اوعي تكسر اللي انت عليته. اوعي تضيع اللي انت كسبته. ده القرار الاولاني. اضيع اللي انا كسبته ازاي - 00:03:00

بمعصية اوعي زي البنت مسلا اللي تلبس حجاب وتحط ميك اب وبرفان عاملة زي اللي بتحط حسنات في في ناحية من الشوال والشوال مفقود مخروم من الناحية الثانية بيضيع بالمعصية اللي احنا بنعملها اوعي تدخل معصية في حياتك تضيع الحسنات اللي انت كسبتها. حافظ عشان كده ربنا بيقول من جاء بالحسنة فلهو خير منها. مش من عمل الحسنة. من جاء - 00:03:20

قدر يحافظ على الحسنة بتاعته الشيطان ما خطفهاش. ما عملش حاجة من محبطات الاعمال. ما عملش سيئات تضيع الحسنة. ما رآش في الحسنة دي بحيس ان سوابها يضيع حافظ عليها لحد ما اوصل لربنا حافزي على رمضان وعشر ذي الحجة لحد ما توصلي لربنا. يبقى دية ده القرار الاول. انا مش هاضيع اللي انا كسبته. انا مش هاهد اللي انا - 00:03:40

القرار الثاني كمل. كلمة السر استمر. القرار الثاني مازا بعد العشر؟ مازا بعد هذه المواسم؟ بعد كل ده هيهون علينا عبادة هيهون علينا الذكر هيهون علينا جلسات الضحى بتاعة عشر ذي الحجة. هيهون علينا دعاء يوم عرفة. هيهون علينا بعد ما عرفنا ربنا نسيبه. بعد ما ربنا فتح لنا ابواب - 00:04:00

معرفته وانوار القرب منه وانوار الاتصال به. نسيبه مش ممكن يا جماعة. ده اللي بيقد مع شخصية كبيرة ولا عظيمة بيشتاق انه يقعد معه ثاني. احنا كنا في مجالسة الرحمن - 00:04:20

في عشر ذي الحجة انا جليس من ذكرني. احنا كنا في مجالسة الرحمن في ذكر القرآن في رمضان وفي ذكر الله في عشر ذي الحجة. اوعي اوعي تتوقف يبقى القرار الثاني - 00:04:30

مش هقف مش هقف انا مكمل انا مستمر. ان الذين قالوا ربنا الله ثم استقاموا استقاموا اي استمروا. كملوا على الطريق للنهاية نزلوا عليهم الملائكة ربنا بيحب اخر مشهد في حياتهم والملائكة بتتنزل ساعة الموت. فضل طول الحياة سابت وساعة الموت شف جوايز ربنا له. تتنزل عليهم - 00:04:40

الملائكة الا تخافوا ولا تحزنوا وابشروا بالجنة التي كنتم توعدون. يبقى القرار الثاني ماذا بعد العشر؟ خلاص عشر ذي الحجة ورمضان اخر عهدنا بالصيام اخر عهدنا قيام ولا هنكمل السبات يا جماعة؟ السبات حتى الممات احنا سابتين يا رب بازن الله. ولو يوم في الاسبوع صيام يا اخواني. ولو آآ تلتاشر واربعتاشر وخمستاشر - 00:05:00

اتناشر في الشهر العربي الصيام يا جماعة. ولو جلسة الضحى مرتين ثلاثة في الاسبوع. ولو قيام الليل نص ساعة ثلاث اربع مرات في الاسبوع. لازم يبقى عندنا خطوط حمراء ولو ورد - 00:05:20

ربع في اليوم لازم يبقى عندنا خطوط حمراء ولو حضور درس مرة ولو حفز صفحة قرآن في الاسبوع خطوط حمراء ريد لاينز الحد الأدنى من الالتزام والتدين. يبقى ده القرار الاولاني. قلنا القرار الاولاني مش ههد اللي بنيتيه. مش هضيع اللي كسبته - 00:05:30

انا مش هخسر السروة اللي ربنا اداها لي من حسنات عشر ذي الحجة ورمضان. القرار الثاني مش هتوقف انا مكمل بازن الله سبحانه وتعالى الثبات حتى انا مش انا علاقتي بربنا مش مواسم. انا مش علاقتي بربنا بروح له في المواسم ساعة الاوكازيونات بتاعة الطاعة وبعد كده خلاص لا. انا الغنيمة الكبرى المواسم - 00:05:50

الطاعة هو الاستمرار بعد مواسم الطاعة. انما ايه واسوأ نية في المواسم اللي يروحوا يعبدوا ربنا؟ انا جاي اعبدك يومين يا رب. وانت عامل لنا بس العطاء بتاعة الحسنات وبعد اليومين دول يا رب انا همشي واديك ظهري ثاني. اوعي تعبد ربنا بالنية دي. اوعوا تعبدوا ربنا بالنية دي. القرار الثالث. القرار الثالث يا شباب دايم الواحد - 00:06:10

كنت بترعب من الفترة ما بين عشر ذي الحجة والعيد الكبير وما بين رمضان. لان دول تمن شهور تمن شهور ونص ما فيش فيهم

مواسم عبادة يعني ممكن عاشوراء يوم بقى ولا حاجة حاجات بسيطة كده. تمن شهور ونص ما فيش فيهم شهر رمضان. ما فيش

فيهم عشر زي الحجة. ما فيش - 00:06:30

يوم الحج ما فيش تمن شهور ونص يا جماعة. يعني احنا عاملين زي اللي داخلين غزوة تبوك كده مع النبي عليه الصلاة والسلام. بتوع

سبعمية وخمسين كيلو ما فيش فيهم يا نبيع مائة وما فيش فيهم مائة - 00:06:50

فاحنا دلوقتي تمن شهور ونص دول هتعيدهم ازاى؟ يبقى لازم يكون تالت قرار لازم يكون لي خطة في التمن شهور الجايين. انا

باسمي التمان شهور دول عافية السنة. ليه؟ في رمضان انا انا اهو كواحد يعني ان شاء الله بازن الله نفسي ابقى متدين وملتزم. انا

في رمضان عايز ابني حياتي واستقر مش عارف ليه؟ موسم - 00:07:00

الموسم ده مليون حركة ومليان حاجات استثنائية حتى في العبادة. عشر اجي استقر. يجي عشر زي الحجة. التمان شهور دول هم

الفترة المستقرة في السنة عشان كده معظم المتزمين عمرهم بيضيع في التمن شهور دول. التمان شهور دول اللي هيستغلوههم في

طلب العلم على رمضان الجاي هيبقى من اهل العلم. اللي هيستغلوههم في الدعوة العامة - 00:07:20

الدعوة الى الله على رمضان الجاي هيبقى من النوايا في الدعوة الى الله. اللي يستغلوههم في حفز القرآن على رمضان الجاي هيختم

على الاقل تلت القرآن. اللي هيستغلهم في صنائع المعروف على رمضان - 00:07:40

السجاد هيبقى قطع شوط كبير اوعي تضيعي التمن شهور ونص دول اوعى دول عافية السنة. طب ما تضيعهمش ازاى؟ من ليس له

خطة فهو في خطة الشيطان. اوعى هتبقى في خطة الشيطان في التمن سنين تمن شهور ونص دول. اوعي التمان شهور اللي جايين

دول لازم يبقى لك خطة فيهم. هتعملي ايه؟ حضور الدروس مرة في الاسبوع الزامي. طب هتسمعي - 00:07:50

النت اه ولو مرة في الاسبوع تسمعي درس او مقطعين مؤثرين. طيب العمل الخيري لازم تشوفي فريق من الفرق اللي زي احلى شباب

اللي زي فرق العمل الخيري كتير صله بمنة الله. تخرجه ولو قافلة في الشهر او عمل خير في الشهر. طب العبادة ولو نص ساعة قيام

ليل ولو ربع القرآن في اليوم يا ست صفحة قرآن - 00:08:10

في اليوم بس يبقى في علاقة بينك وبين كتاب ربنا. ولو ركعة وتر قبل ما تنامي. صلاة الجماعة حبيب قلبي الغالي. ده كلام الصحابة

دمهم اتفرق في العالم كله في الفتوحات الاسلامية - 00:08:30

وانت مش قادر انك تنزل تصلي في الجامع يبقى اذا لازم يكون في خطة اوعى الوقتي وانت قاعد قدامي وانت قاعدة ورقة وقلم

وتحطي خطة يا جماعة ده علاقتنا بالله - 00:08:40

يا اخوانا انا مش تنسيق سانونية عامة وهدخل طب ولا صيدلة. يا جماعة ده مش آا انا داخل سانونية عامة جديد واخذ عند مدرس

الكيميا ده ولا ده! يا جماعة ده مش بنطلون في فاترينة معيش - 00:08:50

فلوس ونفسي اشتريه. يا جماعة ده مش مادتين في الكلية شلتهم وكان نفسي اطلع السنة اللي بعدها نضيف. يا اخوانا ده مصير. ده

جنة ونار. ده ده مستقبلك ده دنيا واخرة. ده كل شئ في دنيتك قبل اخرتك ورزقك وسعادتك. وجوازك وخلفك وبركة ولادك وبركة

رزقك. وبصيرتك - 00:09:00

وسداد خطواتك في الحياة ومواجهة مشاكل الحياة. كل ده متوقف على علاقتك بالله. يبقى الموضوع لا يحتمل. يبقى القرار التالت

لابد من خطة في التلات شهور الجايين بازن الله سبحانه وتعالى لحد رمضان. القرار الرابع الانسان برضو عشان يعمل خطة وعشان

يكتئب لازم يبقى له تارجت. على رمضان الجاي - 00:09:20

يا ترى عايزة توصلي لفين؟ دي نقطة مهمة جدا. احنا خارجين من مواسم قلت لكم احنا دلوقتي في اخطر لحزة في السنة نقدر نتكلم

مع بعض في القضايا ديت. طول السنة ممكن بقى الواحد - 00:09:40

غافل هنا الواحد مشغول في الموسم ده. الوقتي يا جماعة احنا خلاص احنا عقمنا. انتم على القمة الوقتي. انتم دلوقتي ربنا علقوا في

رمضان. وبعد كده علقوا اكثر واكثر في عشر زي الحجة. انت - 00:09:50

مش هتوصلي طول السنة للمنسوب الايماني اللي انت فيه دلوقتي. انت طول السنة مش هتقدر توصل للحزة اللي انت فيها دلوقتي

مهما تخيلت ان انت وحش ده احسن منسوب لك طول السنة - 00:10:00

ده اعلى مستوى ايماني هتوصلي له طول السنة. وان شاء الله بعد كده نزيد. ولكن انا بتكلم دلوقتي انت دلوقتي في قمته. ها اطرق على الحديد وهو ساخن. انت الوقتي بقى وقلبك - 00:10:10

بقى في قمة استعدادده للتلقي خد القرار الرابع. القرار الرابع لازم احدد تارجت قبل رمضان اكون وصلت له. يعني مسلا حفز القرآن ممكن التارجت في حاجة على حفز القرآن. على رمضان الجاي اكون خلصت عشرة اجزاء. مسلا بازن الله مع الشيخ فلان. او الشيخة فلانة. اه لو رمضان الجاي اكون خدت اجازة - 00:10:20

آآ تلاوة في قرية حفص. على رمضان الجاي اكون خلصت كتاب العقيدة الفلاني. او كتاب التفسير الفلاني. هو كل سنة هنيجي في رجب بنقول نستعد لرمضان! طب ما تستعد دلوقتي. طب ما التارجت انك تقرا تفسير من الوقتي. انك يوميا تقري تفسير ربع واحد من القرآن. من تفسير الساعة دي. على رمضان الجاي هتبقي حكاية في علاقتك بكتاب الله - 00:10:40

سبحانه وتعالى وتوتري بالليل بالايات اللي انت قريتي تفسيرها صفحة واحدة من القرآن. صفحة واحدة يا بخته اللي هيعمل كده. على رمضان طب على حاجة على رمضان الجاي يعني لو انت عايز تاخذ مسلا شهادة ماجستير تحضر حاجة في الدنيا تاخدي دورات في التنمية البشرية او الادارة ما ده دين برضه يا جماعة - 00:11:00

وده عبادة لو نيتك لله يبقى على رمضان الجاي هكون خدت دورات في كذا ودورات في كذا. على رمضان الجاي هكون فتحت مشروع ونجحت فيه. وان شاء الله خمستاشر في المية من الدخلة - 00:11:20

بتاعه في سبيل الله. على رمضان الجاي على حد التارجت على رمضان الجاي هكون ان شاء الله سبت على مستوى ساعة الاربعة في قيام الليل او ساعة في قيام الليل كله - 00:11:30

بازن الله سبحانه وتعالى. يبقى انا هبدأ من الوقت في قيام الليل. انا هدفي التمن شهور ونص دول قائم الليل بس. انا مش احد السلف قال جاهدت في قيام الليل عشرين سنة وتلذذت - 00:11:40

عشرين سنة فضل متارجت على قيام الليل عشرين سنة. عشرين سنة مركز على عبادة قيام الليل بس. على جلسة الضحى على رمضان الجاي يكون على جلسة ضحى. يبقى ده القرار الرابع لازم احدد تارجت من دلوقتي من دلوقتي هدف من الوقتي احققه على رمضان الجاي ويكون في نقطة واحدة بازن الله في - 00:11:50

علم او في الدعوة او في الاعمال الخيرية او في العبادة. او في حفز القرآن. طيب القرار الخامس. القرار الخامس والاخير يا شباب ان مش معقولة احنا قاعدين نتكلم في العبادة - 00:12:10

وسايبين الدعوة الى الله. مش معقولة يا جماعة ان احنا ما نشغلش في دعوة ربنا. شايفين فلسطين واللي بيحصل فيها. شايفين غزة والحصار ورهيب غزة اللي اتضرب عليها السنين اللي فاتت من اليهود - 00:12:20

يعادل قوة قنبلتين نوويتين من بتوع الرشوة وما جزاكش. يعني اخوانا مبتلين سوريا شايفين الدبح في الاطفال وترسانة الاسلحة الكيماوية اللي بيتدك بها الشعب عشان كل ده من اجل كرسي يحافظ عليه والعالم كله بيتواطأ ويبسكت. انتم الا من رحم الله من اهل الشرف واهل النخوة واهل المروءة. انتم شايفين احوال الامة - 00:12:30

شايفين التمزق؟ شايفين التشرد؟ شايفين المشاكل؟ عايزين نشغل في الدعوة الى الله. الزتونة في الدعوة الى الله. لب القضية في الدعوة الى الله. قل هذه سبيلك هذه سبيل الكلمة دي ندفع فيها مليارات والله العظيم. ايه سبيلك يا رسول الله؟ السبيل الطريق الموصل للهدف فالرسول يقول هو ده الطريق اللي هيوصلني للفردوس الاعلى اللي هيوصلني - 00:12:50

رضا الله. اللي هيوصلني لرزق الدنيا. اللي هيوصلني لاقامة الدولة الاسلامية. اللي هيوصلني للسعادة وعطاءات ربنا وفتوحات ربنا. اللي هيوصلني لان انا ابقى من جيران الانبياء في الفردوس الاعلى. ايه سبيلك يا رسول الله؟ ادعو الى الله. ادعو مضارع مستمر يفيد الاستمرار حتى الموت يا رب. اللهم استعملنا في الدعوة اليك لآخر لحظة من اعمال - 00:13:10

يا رب ادعو الى الله على بصيرة انا على بصيرة متصلين بشيوخنا وبنعرف من شيوخنا كل حاجة وبنسمع دروس على بصيرة انا ومن

اتبعني فلا يسع العلماء قالوا ان الاية ديت بتدل على فرضية الدعوة الى الله. فلا يسع احد على سبيل رسول الله ان يخرج عن الدعوة الى الله. الدعوة الى الله يا جماعة. الواحد عمره ما شاف كرمات زي اللي شافها في طريق الدعوة - [00:13:30](#)
عمره ما شاف عطاءات زي اللي شافها في طريق دواء والله العظيم. كنت عايز اعمل لكم باليومين مقطع اسمه آآ مواقف حدست لي ولا انسها. هعمله ان شاء الله بازن الله في مصر - [00:13:50](#)

فيأذن الله سبحانه وتعالى عن العجائب اللي شفتها في طريق الدعوة. عشان كنت عايز انا وانتم ننطلق بقى في مشروع دعوة الى الله. في كل يعني في كل حنة كده بقى وتدخلوا على كل الجروبات - [00:14:00](#)
قول الله في كل مكان ولكن يعني سبحانه الله فالقرار الخامس انا لازم السنة دي ادخل في الدعوة الى الله. انا لازم ان شاء الله بازن الله في التمن شهور الجايين دول ولو واحد - [00:14:10](#)

بس ركزي على واحدة ركز على واحد واشتغلوا في الدعوة الى الله. انتم الان في القمة بتاعتكم. انتم دلوقتي وصلتم لقمة هرم الايماني بازن الله سبحانه وتعالى. حافظوا على اللي انتم كسبته. اوعوا تهذوا اللي انتم بنيتوه. ده القرار الاول. القرار الثاني كملوا. اسبتم - [00:14:20](#)

اوعوا تقطع اوعى يكون عقدكم بالعبادة موسمي بس في اللي فات. القرار الثالث لازم يكون لكم خطة. التمن شهور الجايين ان شاء الله عافية السنة قرار الرابع لازم يكون لك ولك تارجت في نقطة واحدة على رمضان الجاي تكوني حققتها. القرار الخامس لازم ما ييقاش دينا هو صلاة - [00:14:40](#)

بس هو عبادة بس لازم دينا يكون هم دين وشيل دين ومسؤولية دين. وحمل امور الدين ويكون لك فجر لو مت يتفتح بموتك. ويكون لك مسؤولية عن دين الله لا تخونوا الله والرسول. وتخونوا امانتكم وانتم تعلمون. ما تقوليش طب انا ايه الامانة؟ ايه السغر اللي افق عليه؟ انت عارفة. كل واحد فينا عارف ايه الموهبة اللي ربنا اداها - [00:15:00](#)

ويقدر ينصر دين ربنا سبحانه وتعالى بها. اللهم تقبل منا رمضان وعشر ذي الحجة يا رب. اللهم تقبل منا كل عمل صالح عملناه لك ابتغاء اوجهك في رمضان وعشر ذي الحجة يا رب. اللهم اجبر كسر قلبنا على فراق هذه المواسم العظيمة يا رب. اللهم اجبر كسر قلبك - [00:15:20](#)

يا رب. اللهم لا تجعل اخر عهدنا بالصيام. رمضان وعشر ذي الحجة ولا هم اخر عهدنا بالقيام. ولا تجعلهم اخر عهدنا بجلسات الضحى الذكر والتدبر في خلقك والقرآن وتلاوته. اللهم كما فتحت علينا في هذه المواسم الطاهرة فافتح علينا بعدها يا رب - [00:15:40](#)
اللهم اجعل العام القادم عام خير وبر ورشاد. اللهم اجعله عام فتح ونصر ومدد. اللهم استعملنا ولا اللهم افتح على قلوبنا والسنتنا في الدعوة اليك. اللهم اهد قلوبنا وسدد السنتنا. اللهم استعملنا لنصرة دينك في الارض - [00:16:00](#)

اللهم اهدنا واهدي بنا واجعلنا سببا لمن اهتدى. اللهم يا مقلب القلوب ثبت قلوبنا على دينك. يا مصرف القلوب صرف قلوبنا كطاعتك. اللهم بلغنا رمضان. اللهم بلغنا رمضان على خير وبر وعلم ورشاد يا رب العالمين. واجعل - [00:16:20](#)

فيه من الفائزين يا ربنا اطل عمرنا واحسن عملنا واغفر لنا. اللهم اعطنا ولا تحرمنا. اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا. اللهم اعطنا ولا تحرمنا. اللهم اعطنا ولا - [00:16:40](#)

سبحانك اللهم وبحمدك اشهد ان لا اله الا انت استغفرك واتوب اليك وننطلق بعد مواسم الخير الرهيبة دي. خلصت المواسم وجه فترة الرجولة. يلا يا شباب نسترجل كلنا في الانطلاق لربنا بعد المواسم العظيمة اللي ربنا متعنا بها - [00:17:00](#)